

1928

برنجی جلد

0534

tehran

T.K.


فہرست کتابیں مجموعہ

فہرست کتابیں مجموعہ عمومی مرکزی طرفندہ نشر اولونور

مدیری :

ضیاء الدین فخری

خلق بیلکسی درنکی کاتب عمومیس



آقرہ

1928

XIV

کور امدی نه دیمش جزایر لیده
 بز آنی کوندردک سلطان احمد
 یورتوز اقی دکرده کمیک
 جویر اسلامه شول کافر دینکی
 یینه بو کدوک اصپانیانک بلنی
 خوش اکیلنه ردک مصر یولنی
 کداملی ایدر کورددم خوشکی
 کایسانک تاشلرینه صور باشکی
 ویر مرزا اوغلوکی بلش اول سنک
 قره خبرلرین المش اول سنک
 حق قیوب پوته طپتوک یوزوکی
 کل یزید مسلمان اولمش اول سنک
 اون ددرت بکزاده ایلله الدق مالی
 هله اتدکارین بولمش اول سنک
 کیجه کوندوز اغله سالما یاشکی
 یوری وار بر زمان جلمش اول سنک

یوقاری ده نقل ایتدیکنمز یازیلرک صاحبزادن هانکیسنک داها اول اولدیغنی، ترجمه
 حاللرینی تنویره خدمت ایدن خصوصی هیچ بر اشرت بولمادیغندن تعیین ایدمیز. آنجق
 کداملی نك یوقاریده قیدایله دیکمنز تاریخی وقعهدن داها مقدم اولدیغنی، بلکه مرادریسندن
 اولکی وقوعاه دائر بولدیغنی، بناءً علیه ایچلرندن اک اسکیسنک او اوله بیله جکی احتمالی
 موجوددر.

AHMET KUDSÎ

⊕	KARACA OĞLANA DAİR	⊕
---	--------------------	---

«خلق شاعرلری» سهریسنک ایکنجی کتابنی تشکیل ایدن «قرهجه اوغلان» آدلی
 اثرمیزک مقدمه سنده بو قیمتلی خلق شاعرینک یاشادیغنی دوری قطعی بر صورتده تعیین
 ایدمیه جکمنز سویله مش و «قرهجه اوغلان» ک «قانونی» دورنده بتیشن «قره اوغلان»
 اولماسی احتمالی ایلری سورمشدم.

محترم فاضل «کوپرولی زاده محمد فوآدبک» اول «حیات مجموعه سی» نده (صای 41)
 و بالاخره بعض علاوه لرله «تورکیات مجموعه سی» نده (صای 2، ص 502) بو نقطه
 نظریمنز حقی اوله رق تنقید ایتدیله. محترم مدرس، بونکله برابر، وقتیه کندیلرینک ده
 بویله بر فکره ذاهب اولدقلرینی سویله مکده درلر. صوک آلدله ایتدکلری وثیقهلر، «قرهجه
 اوغلان» ک عثمانلی اردوسنه منسوب اولدیغنی وهجری اون برنجی عصرک ایکنجی نصفنده
 یاشادیغنی اثبات ایتمکده در.

اخیراً قیصری مدعی عمومی معاونی احمدبک، بکا کوندردکلری بر مکتوبده «قیصریده

راشد افندی کتبخانه سی، نده کی دیواندن استنساخ ایدهرک «کانی» نك بر منظومه سی
یازمشلردر؛ مذکور منظومه بی عیناً نقل ایدیورم :

ای چاوش پی نور	مقصد حرکتدن هله سور سال دکل
اوکجه کده کبی چامور	سورمکلکه نعلجهوش دال دکل
ای قارهجه اوغلان	هر قهوهده بوزخانهده شاعر کچینورسک
چون زاده غورغور	بوزک آق ایدن ترکی قونغال دکل
یهوده می صاندک	یوق یره هپ غیرتی دییه سن آنک (؟)
کسر ایله طنبور	قورمومی کذابده رمال دکل

بو منظومهده اسمی کچن «قرهجه اوغلان»، مطلقاً آرادیغمز «قرهجه اوغلان» میدر،
دکلمی در، بزجه مجهولدر؛ فقط، هر حالده، کوپرولی زاده محمد فواد بکک نقطه نظر -
لرینی تأیید ایتدیکی کبی (615, 616, 644) نومرولو «طرسوس» غزته سنده علی رضا
بک طرفندن نشر ایدیلن مقاله لرده کی نقطه نظری ده تأیید ایتکده اولدیغندن «1206» ده
ئولن «کانی» نك بزم آرادیغمز «قرهجه اوغلان» ی مخاطب اتخا ایتدیکی تخمین اولونابیلیر.
علی رضا بک یازدیغی مختلف مقاله لرده، منقبه ایله تاریخی بربرینه قاریشدرمشدر.
کندیلرینک تاریخی بر شخصیت اولان «قرهجه اوغلان» ی «کوکجه لی» لی اوله رق قبول
ایتمه سی ووفاتی «1090» اولارق تثبیت ایتمه سی تاریخی بروثیقه یه مستند دکیلدر. علی رضا بک
بعض اختیارلرک روایتلرینی عیناً قبول ایتکده در؛ حالبوکه، «کلیس» غزته سنک (21) کانون
ثانی (928) تاریخی نسخه سنده نشر ایتدیکی بر مقاله ده محمود راغب بک ده شبهه سز خلقک
روایتلرینه عطفاً «قرهجه اوغلان» ک «کوکجه لی» لی اولدیغی و هجری دوقوزنجی عصرده
یاشادیغی سویله مکده در. «ارکلی» قائم مقامی فواد بک ایسه «قرهجه اوغلان» ک «قوزان» ده
دوغدیغی و بر مدت «قوزانلی احمد پاشا» نك ندیملک سنده بولوندیغی قوزانلیلردن نقلاً
سویله مشدی. [قرهجه اوغلانک لغتجه سنه باقکر] بو قبیل روایتلردن باشقا «قرهجه
اوغلان» ه عائد آنادولوده افسانوی بر طاقم منقبه لرده شایعدر، حتی «جبل برکت»
و جوارنده کی خلق، اونی، عباسیلر دورینه بیله ارجاع ایدهرک حقنده تورلو تورلو
گرامتر نقل ایتکده درلر. بوتون بو مختلف روایتلر کوستریور که «قرهجه اوغلان»
نامنی طاشیان بر چوق خلق شاعرلری موجوددر. تاریخی شخصیت اولان «قرهجه
اوغلان» ایسه آنادولونک مختلف شهرلرنجه بنمسه نمشدر؛ بناء علیه، المزده موجود اولان
شعرلرک بر آدامک اولماسی، مشهور ویا غیر مشهور متعدد «قرهجه اوغلان» مخلصلی
شاعرلره عائد اولماسی احتمال داخلنده در.